



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-I/25-2-40-066-2/21**

Datum: **04.05.2021. god**

«Agencija za vodno područje rijeke Save» Sarajevo rješavajući po zahtjevu pravnog lica «TRGOŠPED» d.o.o. Kakanj za donošenje Rješenja o vodnoj saglasnosti za objekat betonare 2 u Industrijskoj zoni «Vrtlište» u Kakanju, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj saglasnosti**

1. Pravnom licu «TRGOŠPED» d.o.o. Kakanj, daje se vodna saglasnost za ispuštanje oborinskih onečišćenih i tehnoloških otpadnih voda u prirodni recipijent sa lokacije objekta betonare 2 kapaciteta 50-55m³/h, koji se planira graditi u Industrijskoj zoni «Vrtlište», na zemljištu označenom kao k.č. 1966/18 i 1977/2 K.O. Vrtlište, općina Kakanj, a na osnovu projektne dokumentacije:
 - Glavni projekat vanjskih hidroinstalacija – betonara kapaciteta 50-55 m³/h, urađen od «IBIS» d.o.o. Zavidovići, broj: 67-IB-G/20, novembar 2020. (revidovan od «HKP CONSULTING» d.o.o. Banja Luka, broj: RE-HKPC-520/20, novembar 2020.).
- Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Radove na objektima i sistemu za prikupljanje, prečišćavanje i ispuštanje oborinskih onečišćenih i tehnoloških otpadnih voda izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Način ugradnje separatora i stavljanje istog u pogon uskladiti sa proizvođačem opreme u svim fazama.
 - 3.3. Na odvodnom cjevovodu, neposredno iza separatora, izvesti posebno reviziono okno koje će služiti kao okno za uzimanje uzoraka (monitoring okno).
 - 3.4. U toku radova iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
 - 3.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
 - 3.6. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 12-19-6043/20 od 06.01.2021. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona.
4. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procjenjenu štetu nadoknaditi.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
6. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine FBiH» broj 31/15, 55/19 i 41/20).

7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeta izgradnja.
9. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «TRGOŠPED» d.o.o. Kakanj, svojim zahtjevom, zaprimljenim 12.02.2021., zatražilo je izdavanje vodne saglasnosti za objekat betonare 2, kapaciteta 50-55m³/h, koji se planira graditi u industrijskoj zoni «Vrtlište», na zemljištu označenom kao k.č. 1966/18 i 1977/2 K.O. Vrtlište, općina Kakanj, a u postupku pribavljanja odobrenja za građenje.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-21-000404 od 10.02.2021. izdatog od Općinskog suda u Zenici,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza broj: 04/1-17-1-UPJR/1-5292-2/14 od 04.09.2014. izdatog od Uprave za indirektno-neizravno oporezivanje Banja Luka,
- Ovjerena kopija Uvjerenja o poreznoj registraciji izdatog od Porezne uprave Federacije BiH-Kantonalni porezni ured Zenica od 22.07.2014.,
- Dokaz o uplaćenju upravnoj i administrativnoj taksi,
- Ovjerena Kopija Rješenja o urbanističkoj saglasnosti broj: 12-19-6043/20 od 06.01.2021. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Zahtjeva za uzdavanje okolinske dozvole upućenog Ministarstvu za prostorno uređenje, promet i komunikacije i zaštitu okoline Zeničko-dobojskog kantona dana, zaprimljenog 28.04.2021.,
- Ovjerena kopija Rješenja o prethodnoj vodnoj saglasnosti broj: UP-I/25-1-40-456-4/20 od 28.10.2020. izdatog od «Agencije za vodno područje rijeke Save» Sarajevo,
- Ovjerena kopija Saglasnosti za dobijanje urbanističke saglasnosti broj: 82-7003-6/19 od 30.10.2019. izdatog od JP «VODOKOM» d.o.o. Kakanj,
- Kopija Saglasnosti za ispuštanje oborinskih voda u obodni kanal broj: 04/1-442/21 od 30.04.2021. izdatog od Službe za privredu, urbanizam i zaštitu okoline Općine Kakanj,
- Glavni projekat vanjskih hidroinstalacija – betonara kapaciteta 50-55 m³/h, broj: 67-IB-G/20, novembar 2020., urađen od «IBIS» d.o.o. Zavidovići (na uvid i ovjeru),
- Izvještaj o izvršenoj kontroli tehničke dokumentacije, broj: RE-HKPC-520/20, novembar 2020., urađen od «HKP CONSULTING» d.o.o. Banja Luka (na uvid).

Nakon uvida u dostavljenu dokumentaciju konstatovano je sljedeće:

- Objekat postrojenja za proizvodnju betona kapaciteta 50-55m³/h planiran je u Industrijskoj zoni Vrtlište, općina Kakanj.
- Parcele na kojima se planira graditi predmetni objekat se ne nalaze u zaštitnim zonama izvorišta vode za piće, kao ni u vodnom dobru i poplavnom području vodotoka I kategorije.
- Snabdijevanje vodom za sanitarne i tehnološke potrebe, te hidrantsku mrežu planira se riješiti putem priključka na gradsku vodovodnu mrežu za što je, prije izgradnje, potrebno pribaviti konačnu saglasnost i uslove za priključak od strane operatora vodovodnog sistema JP «VODOKOM» d.o.o. Kakanj.
- Tehnološke otpadne vode nastale u postupku spravljanja betona, pranjem procesne opreme i transportnih sredstava će se putem slivnih rešetki i kanalizacione mreže odvesti u taložnik sa recirkulacionom pumpom odakle se dio vode vraća u sistem a višak zajedno sa onečišćenim oborinskim otpadnim vodama sa radnog platoa i manipulativnih površina će se odvoditi na tretman u separator ulja i masti. Krajnji ispušni prečišćenih voda, preko okna za monitoring, planiran je u obodni kanal lokalne saobraćajnice, a potom u rijeku Bosnu.

- Investitor posjeduje Saglasnost izdatu od RMU „Kakanj“ za izgradnju predmetnog objekta i koja je navedena u Rješenju o urbanističkoj saglasnosti, odnosno Mišljenju o mogućnosti gradnje predmetnog objekta.
- Projektna dokumentacija je urađena u skladu sa uslovima iz prethodne vodne saglasnosti izdate od ove Agencije.

Urbanističke uslove za izgradnju predmetnog objekta, podnosiocu zahtjeva je kroz izdato Rješenje o urbanističkoj saglasnosti izdalo Ministarstvo za prostorno uređenje, promet i komunikacije i zaštitu okoline Zeničko-dobojskog kantona.

Projektna dokumentacija, dostavljena uz zahtjev, urađena je i revidovana od strane pravnih lica koja imaju Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»).

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-I/25-1-40-456-4/20 od 28.10.2020., te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat vanjskih hidroinstalacija – betonara kapaciteta 50-55 m³/h, urađen od «IBIS» d.o.o. Zavidovići, broj: 67-IB-G/20, novembar 2020., data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uvjetima, i načinu izdavanja i čuvanja vodnih akata i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu i administrativnu taksu u iznosu od 60 plus 3 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Sanja Miličić, građ.ing.

Prilog:

- Ovjereni projektna dokumentacija: Glavni projekat vanjskih hidroinstalacija – betonara kapaciteta 50-55 m³/h, urađen od «IBIS» d.o.o. Zavidovići, broj: 67-IB-G/20, novembar 2020.
- Izvještaj o izvršenoj kontroli tehničke dokumentacije, broj: RE-HKPC-520/20, novembar 2020. urađen od «HKP CONSULTING» d.o.o. Banja Luka

Po ovlaštenju
Rukovodilac sektora za izdavanje vodnih akata



Haris Ališehović
Haris Ališehović, dipl.ing.građ.

Dostaviti:

- «TRGOŠPED» d.o.o.
- Ulica Branilaca bb, 72240 Kakanj (prilog)
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava